

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die
Jovis decimâ - nonâ Februarii.

M. FRANCISCO PAJOT, Doctore
Medico, Præside.

An in febris malignis dejectiones sincera malum?

I.

DECIPITUR votis, qui salubrem & ab omni
morborum cruciatu securam sperat vitam per-
agere; fas hoc non est, ita misera est hominis con-
ditio, ut nunquam stet possessor integer fanita-
tis, statim natus, statim ægrotat, vix erupit ex uteri la-
tebris, cum innumeri illum adoriuntur morbi; an non,
& in principiis generationis latent ipsorum seminaria,
nulla est ætas, nulla pars corporis, quæ proprios non pa-
tiatur morbos; alius est insuper, qui nulli parcat ætati,
nulli parti, nulli sexui, nulli regioni, κοινότητα νόσημα, fe-
bris, calor est præter naturam accensus in corde, actiones
omnes lædens, adeo infensus nato ut ejus vim & pote-
statem pessundet, varia illa, pro caloris intentione & re-
missione, pro subjecto in quo accenditur, pro putrescen-
tium succorum specie, & sede: magni est momenti &
ponderis quæ à symptomatis febrem comitantibus & su-
pervenientibus desumitur differentia, si lævia sint, εὐθύτης,
si gravia assident χεῖροῦς, quæ semper causarum efficien-

2

tium malignitatem & partium affectarum præstantiam
detegit, à quibus non leve vitæ impendet periculum.

I I.

FEBRIS maligna, parentem & authorem agnoscit
putredinem, quæ humores quosvis inquinat, quan-
doque tetrâ quâ spirat anathymiasî, quandoque adhæsu
proximos labefaciat prorepitque, donec cordis arcem
obsederit, ac tùm se suis prodit symptomatis, non tamen
omnis putredo, valet eam excitare at insolens & non vul-
garis, aliquando sæpè aperto Marte sævit in hominum
genus, calor mordax deurit, sitis inexhausta cruciat &
torquet, lingua calore & siccitate finditur, aliàs clàm &
latenter vitæ insidias struit, calor initio mitis, urinæ sa-
norum similes, vix æger ægrotare se sentit, & imperitis
etiam imponit, at ubi pedem fixit & vires acquisivit eun-
do quas strages non edit, omne symptomatum genus,
velut agmine facto ei assidet aut supervenit, facultates
omnes læduntur, animalis delirio comate, vitalis pulsus
inæqualitate lypothimiâ sincopè, naturalis vomitu nau-
sæâ singultu, dejectionibus synceris, quæ non minimam
ejus malignitatem declarant.

I I I.

IN febribus malignis *ἐνρίτοι ἀγαθήματα* bonis ægri re-
bus non contingunt, tantum abest ut ab iis rectetur
natura, aut quid solatii speret prudens medicus quin im-
mo, damnis morbum augent, non quælibet humoris vi-
tiosi per alvum evacuatio, faustis sit avibus & est salutaris
& fida, utiles si quidem & in commodum ægri, cessuri
succî, cum inquinatis magnâ virium jacturâ promiscuè
extruduntur, in his tanta est feritas, naturæ tam sunt in-
fensi, & pravâ qualitate vestiri, ut furiatæ instar belluæ,

quæ claustra rumpit, & cui compedes difficile est injicere impetuosius quàm datâ portâ ferantur; hac *κένωσι* oppressâ copiâ natura, malignâ qualitate irritata tandem effata fatiscit, id fit quia indocilis humor coctionem non patitur, hanc tamen semper habet in votis & ubique intendit, sed non semper feliciter; hoc opus adimplet & absolvit, cum ejus legibus & motibus debitis sequaces, & obediētes invenit, tunc illos miscet, inspissat, coquit, & coctos à se longe excernit.

I V.

NATURA vere morborum medicatrix, ejus vis & potentia maxime lucet in febribus quas humorum vitium excitavit, nunquam otiosa, explorat ubique quàm ratione & quàm viâ, noxiam materiam procul à se amendet, sæpe commodâ alvi subductione id perficit & adimplet, cum humorem qui putruit & molestus fuit *ἐν πύλιν* nanciscitur quem feliciter & cum *ἐν πύλιν* excernit in malignis par licet sit conatus, par non semper eventus, in his non semper adversus noxas ab humoribus importatas sola valet, subsidiariâ indiget medicæ artis operâ & artificis industriâ qui laboranti & in ancipiti versanti repetitâ pluries venæ sectione & præscriptâ ad ægri salutem tantùm remedium supellectile & spretis ardelionum nugis & arcanorum fabulis auxiliares copias suppeditat, hæc omnia ferociens humor qui nec naturæ genio nec arte, potuit demulceri respuit & eludit, à quo *ἀμικτα ὑδατόχολα διαχωρήματα* expecta, quæ ægrum non vindicant à morbo nec ejus salutem asserunt.

V.

CAVE credas febre maligna laborantis, res ideo in vado esse, aut meliore loco stare, quod per pa-

tentes vias & expeditas, naturæ familiares, & sæpe tritas, dejectiones synceræ ferantur, non his æger minori versatur in discrimine nec in utramque aurem obdormit peritus medicus aut spe falsâ beatoris fortis lætat ægrum & assidentes, ἐν δὲ διαγῶνι semper morbus est, cum eas, nulla antecedant certa signa coctionis, nulla symptomatum fida sit levatio aut leve mollimentum, non magistrâ ac duce naturâ hæc contingunt sed vi morbi, exigua si quidem humoris νοσοποιῶς portio, cum majore utilioris succi copiâ maximo ægrotantis incommodo vacuatur, quæ majora vasa & viscera omnia fordidâ proluvie obsessa non expectat, ὑδατόχροα tantum aut ἀμικτα vi caloris peregrini & flammæ suo sero spoliata foras eliminantur quibus si super addas vires quarum robore vita regitur & fulcitur; synceris dejectionibus mirum in modum frangi & atteri vere concludes.

Ergo in febribus malignis dejectiones synceræ malum.

Domini Doctores disputaturi.

M. Joannes-Baptista Doye.

M. Franciscus Picoté de Bellestre.

M. Nicolaus Liénard.

M. Urbanus Leaulré.

M. Nicolaus Bailly.

M. Philippus Dové.

M. Michaël Pichonnat.

M. Joannes Daval.

M. Nicolaus Morin.

Proponebat Lutetiæ FRANCISCUS-FAUSTUS ALLIOT,
Parisiinus, Baccalaureus Medicus. A. R. S. H. 1688.

P A R I S I I S,

Apud Franciscum Muguet, Regis, & Facultatis Medicinæ
Typographum.